

兩浙名賢錄

兩浙名賢錄卷二十九目次

吏治

明二

程鄉知縣陸克潛

廣德州知州孫文冕

池州府知府祁宗規

司員

臨邑令王宗玉

湖廣副使何尚質

兗州府知府吾肇

南昌府知府祝惟容

德安府同知施漢章

江都縣知縣陸抑之

蘇州知府姚彥容

子錄孫清附

海州知州陸德毅

連江縣知縣林時叙

上饒縣知縣任亨伯奉 吉安府知府張孟端本

吳江知縣金惟深洪

子模附

臨城縣知縣章忱

雷化縣知縣方克和漁 毫縣知縣胡信之啓

建寧府同知於文瑞珥 遂平縣知縣馮世英俊

廣西副使陳廷祐瓚

子澤附

浮梁縣知縣王舜耕坡

泉州府知府包民敬溥 福建僉事查原博約

太平府知府項誠之經 路南知州徐子肅憲

子汝圭附

廣州府知府袁景輝燠 臨淮縣知縣呂克中和

叙州府推官謝舜卿愷 萍鄉縣知縣張惟善時孜

古田縣知縣汪右中璣

德平知縣范璠

彰璠孫言曾孫
德璠之族附

桐城縣知縣沈敬敷教

重慶府推官李璽

湖口縣知縣陸文盛郁

咸寧縣知縣陳悅

欽州守徐良璧珪

襄陽太守徐子正咸

延安通判周時敬雷

長洲縣知縣吾廷順翁

陽信縣知縣陶時莊儼

清河知縣陸文珮琳

子必附

宜春縣知縣姚應辰參

子篚篋艾孫體信附

山東僉事錢可容宏

鉛山縣知縣杜望之民表

韶州府知府陳用光紹

太倉州判金孔殷江

安丘知縣邵本中大章 興化府推官沈大新鑒

蕪州府通判包子木梧 饒州府推官康伯正學詩

延平府推官李珉 惠州知府沈子完垣

歸化知縣章若虛宗實 延平府知府陸大行相儒

徐聞縣知縣王德純朴 威縣知縣錢汝冲木

馬湖府同知薛文明治 常州府知府應子材櫟

蒲陽縣知縣陶世顯謨 常德府知府陸汝行州

徽州知府陶子述承學 廣信府推官卞信卿謨

松江同知陳敬夫善道 奉新縣知縣來子禹汝賢

德安府知府張鳳來

汝寧府同知錢子元貞

廬州府知府屠宗豫

仲律

濟南府同知楊汝承祐

卽墨縣知縣吳介夫庶

樂平縣知縣周季實茂恂

吉安府推官盛原陶唐

六合縣知縣茅國卿宰

福寧知州鍾太初一元

崇安縣知縣鍾惟一銳

萬載縣知縣陸溫夫璫

內江知縣沈雲卿伯龍

常德知府葉文榮朝陽

肅寧縣知縣俞汝誠子良

陳州知州洪惟進丞

廬州府同知查鳴周志文

兩浙名賢錄卷二十九目次終

兩浙名賢錄卷之二十九

東海徐象梅仲和氏謨

秀水支如璫小白氏閔

吏治

明二 共九十四人

程鄉知縣陸克潛銀

陸銀字克潛，平湖人，性至孝。父珪嘗患癰，銀咋之而愈。母李氏畏雷，每雷輒趨母側，常達旦不寐。成化間，由貢士授程鄉知縣。程鄉在山海間，多劇盜，銀初至，邑江閩

界流賊爲寇議者皆以殄盜爲急。張謂與民未有恩信。何遽勞人。乃新學舍。以禮義勵諸生。問民疾苦。晝夜不息。暮年之後。始團練義勇。間出勦寇。斬捕常至千百。盜賊畏威。慕化。相約無犯。程人構訟。多以賂取勝。張門無私。謁健訟者。不得行其計。日減十之六七。常戲語人曰。吾能大畏民志矣。無何以母喪歸。民號泣攀送者數千人。出境而後返。張竟以哀毀致疾。卒於常山。逆旅囊無一錢。逆旅主人徐文育爲買棺歛之。或謂張之卒於道路。蓋天之欲旌其廉也。張沒後數十年。程鄉人猶相傳。

陸公來則谿峒盜賊皆屏伏不敢動其畏懷如此及聞
張之卒皆設位巷哭立專祠祀焉初朝廷聞張名擬用
爲兩廣都御史會張卒不果及子淞孫杰俱貴累贈張
官卒至都御史

廣德州知州孫文冕紘

孫紘字文冕鄞人成化戊戌進士授鎮江府推官擢拜
南道監察御史南都有國戚橫奪民田萬計民灼其勢
莫敢言卽言亦莫能直紘至悉稽版籍奪還民守備蔣
琮冒奪民蘆洲侵後湖墾地爲田多不法紘率諸御史

共劾之不勝坐謫廣德州判陞知州專務德教持大體不爲煩苛威行豪強而良善者不知有官府期年境內鵲鵲產白雛雉樓鶴巢乳鶴城南之污漬不澄而清州民以爲三瑞刻石紀之卒於官絀少貧母病思猪肉不可得乃爲庠士傭書取值買肉以供母母含淚啖之及祿終身不食肉有問者佯以疾對居官竟以清節終

池州府知府祁宗規司員

祁宗規字司員山陰人登成化進士第初令唐山拜御史歷知徽池二郡司員爲御史按治所及務以法懲奸

貪其治一縣兩大郡不以法而以恩爲民定禮制息羣訟節冗緩征愛之如子卒於池民爲罷市立祠祀焉司員性孝友親喪廬墓三年伯兄早世撫其孤如已子居官不苟取田廬無所增拓所著有先憂集仕優稿及奏議若干卷

臨邑令王宗玉瑄

王瑄字宗玉鄆人舉成化辛丑進士除臨邑令值歲薦飢疫癘大作瑄戶訊之授以藥餌無所避忌請於監司不待報發果以賑吏持不可瑄曰罪在令不在若也卒

發之民一時俱有生色每訟至立遣決未嘗收繫民歌頌之聲如出一口以觀去既免長拜南道監察御史尋陞長沙知府府故有吉藩羣小假王勢率暴橫不法前守多被窘辱珥至輒訊其渠魁白上誅之羣小大戢無何卒於官珥天性孝友母目失明日抱持泣與寢食飲必親未嘗須臾去左右宦游必奉以行弟性嗜酒多所乖忤一不與較捐已田宅與之以清約終

湖廣副使何尚質淳

何淳字尚質淳安人登成化二年進士第拜監察御史

巡按南直隸風裁凜然尋陞貴州按察司副使改湖廣時旱澇相仍民艱於食淳設法賑濟而人不知飢既而河南山陝飢民扶老携幼流移湖湘間者道路相望皆曰何使君能活我不旬月動以萬計淳會有司驗口計程給以糧食遺之皆感泣去且曰非何使君我輩皆溝中瘠矣未幾陞按察使卒於官民哭之聲震四野

兗州府知府吾肇

吾肇開化人由進士任大理評事擢兗州府知府清慎有爲不憚強禦軍民畏服卒於官囊無長物一子貧無

所居人咸惜之

南昌府知府祝惟容瀚

祝瀚字惟容山陰人成化中進士歷刑部郎中風采才望爲時所推擢南昌知府南昌郡當會省號繁劇難治瀚廉明有威聽決無滯時逆濠勢漸熾戕民黷貨瀚屢裁抑之郡人賴以稍安王府有鶴帶牌者縱於道民家大噬之濠牒府欲抵罪傾奪其資瀚批牒曰鶴雖帶牌犬不識字禽獸相爭何預人事濠卒不能逞竟以中傷謝事歸

德安府同知施漢章奎

施奎字漢章秀水人彰德知府鐸之子由舉人任陸安
州學正陞遼府右長史恪勤不怠輔導有方每進對輒
引經且以漢東平河間爲美談王深嘉重之先是府校
多不律軍民厭苦之奎燕其首惡爲民蠹者痛治之自
是奸頑歛迹無敢犯成化改元陞南安府同知甫下車
首詢耆老訪民緩急次第舉行之寬猛適宜刑威不用
專尚德化不踰年而人吏洽和士風丕變三邑軍民愛
敬之如父母且曰自南安有二守以來未有如我公者

九載考滿赴銓。曹力丐歸老。遂獲進階而還。既還數年。南安人思之不置。屬邑父老年八九十者。數百人連名投牒郡邑。長乞移文來浙。問施公安否。說者以爲居官得民。卽寇恂之守河南。張忠定之守西蜀。亦不是過。

江都縣知縣陸抑之愈

陸愈字抑之。平湖人。成化乙未進士。知江都爲治一本仁愛。窮鄉下里。靡不歷月召有年德者。鄉一人詢民利病。而興除之。歲凶民多鬻子女於江南。亟捐俸入出罰錢贖。以聚者幾百人。每新穀未登。輒發其舊廩散之。約

秋成償而不取其息。又築邵伯隄，教民鑿溝洫，時陂澇以溉田，旱澇不復爲民患。江南屯卒多爲暴，境內一旦車騎往擒其魁，奏置巡檢司控制之，勢乃戢。縣羨銀數萬兩，多議輸大司農，愈請撫臣儲以救荒，後果大侵，民賴以濟。召拜監察御史，出按西蜀，蜀地遠在萬里外，非嚴莫治。下車卽鋤豪強，斥貪墨，發奸弊，風稜甚峻。上自崇禎下至羌酋咸慄慄莫敢縱。大修成都郡學，勸養濟院於營昌，出成按之不能生者亡慮百十數，滿一載將代，以盛暑行炎鄉，得疾卒。蜀人惜之。

蘄州府知府姚彥容堂

子鉢孫潛附

姚堂字彥容，慈谿人。舉進士，拜工部虞衡司主事。進郎中，出知廣信府。府有疑獄，堂至立辨。庶政具舉，治爲江西第一。以內艱去。起知蘄州。蘄故多羨金，歲以億萬計。堂悉籍公帑以備賑恤，及修孔子廟與先賢祠。先是豪勢人道蘄者，輒厚索。堂下令：驛廩之外，不得加毫末。民用日省，人情大悅。會以事失撫臺，指乃移守鎮江。而以鎮江守林鶚更之。鶚至，堂卽且行，什器帷帳一無所移。蘄民擁轡遮留，不可得，乃攀轅泣送出境而返，相與誼。

曰雙木作箇不如一搖及治鎮一如治穗政通惠洽流
民復業者九千五百餘戶久之陞廣東布政司叅政以
入賀過家卒堂三典名郡皆著異績而尤所注意者興
學養士恤孤舉遺棄表名賢以禮化民故所在民懷其
惠立祠祀之仲子鉢有雋才領浙江鄉薦鉢子潯舉呂
栢榜進士第

海州知州陸德毅遠

兄廣附

陸遠字德毅秀水人成化乙未進士知海州清修饒介
聽斷明允一日行部有旋風三匝馬首遠疑有冤令吏

卒邏察之。有一人死樹下。折擔尺許貫其喉。乃土人房
勒殺牛商。移尸於此。暮禽之一訊而服。又過大伊顯。有
小犢鳴號於前。使人隨犢所之。盜牛者方殺犢母。捕之。
於是訟清盜息。人稱神明。擢廣東按察司僉事。兄廣撫
州知府。亦以循良稱。

連江縣知縣林時叙鴻

林鴻字時叙。建德人。幼篤志好學。成化間。由太學生授
職寧縣知縣。六事振舉。丁內艱。服闋。補連江。邑民邊海。
不知藝麥。鴻主教以播種之法。始獲其利。咸歌誦之。歲

旱晴雨甘霖隨河民爲建喜雨亭致仕卒於家

上饒縣知縣任亭伯泰

任泰字亭伯嘉善人苦學勵行常大書敬字於壁中夜起坐對之期不媿於屋漏登成化進士第授上饒縣知縣平易近民獨持大體邑有名士婁諒折節下之諸生聞風無不束脩自好於是廣置學舍羣秀異絃誦其中暇則躬爲講說士風興起蔚稱人文立法清田以杜爭訟早則教民盡力陂塘使得灌溉作浮梁增社倉百廢具舉治最一時滿六載應召卒於京

吉安府知府張孟端本

張本字孟端錢唐人成化乙未進士授工部主事累官知府歷襄陽青州吉安三郡吉安多巨室豪右暴橫鄉里本下車首擊武斷者數人豪強歛戢綱紀下吏法在必行雖貴勢無所撓厠陞廣東左奉政轉湖廣右布政使晉都察院右副都御史巡撫江西時袁瑞間盜發本論以利害盜稍稍解去竟以不能剿捕爲言者所論乃致仕生平聲績著於吉安簡守陳深治尚寬和而本更以嚴明吉安皆大治郡人兩賢之並尸祝至今

吳江縣知縣金惟深洪

十模附

金洪字惟深鄞人成化丁未進士初授靖江縣知縣以
治劇改令吳江吳江素稱難治後豪猾縱橫賦役繁劇
小民每占一役不破產殞軀不止長區賦者視版籍爲
鬼錄洪歎曰虐政有甚於此者乎乃裁抑勢家刻革校
吏廣分之後以殺其力裁冗費銀米絹錢凡數十萬公
無通負而私鮮破家之虞吳民德之當道爲請於朝頒
其法通行天下每六察至獨吳江無訟反怪問之郡守
曰金令故善撫民也時比飢饉保留在任者凡七年拜

御史出按陝西復按山東以前後裁抑閭宦逆瑾不能堪欲損之邊郡吏部持之乃得松江府知府瑾怒未解會洪減松江布價瑾遂誣以布惡械洪至京賴案牘明甚竟不能害瑾既誅凡被瑾黜者詔許查復洪獨不起予櫟正德丁丑進士仕終職方司主事

臨城縣知縣章忱

章忱會稽人成化十五年以進士授臨城知縣至則悉心咨訪凡民所欲惡事以次建罷動以愛養休息化導勸勵爲務適歲大飢民多流竄忱爲招徠撫綏給其種

食免其征徭民是以接踵來歸久之旁邑流民願就編籍者亦數十戶城北泥河出源泉流甚悍民據岡利會夏旱忱幸衆築隄引水灌苗又教桔槔以濟高阜邑自是有水利鄉鄙皆無習藥有疾輒事禱祀以待斃因疫痢代作爲檢方書修藥餌施之且諭以醫禱緩急所全活者不可勝計修學宮具祭器及諸壇壝館舍百廢一新既又買隙地創置社學陰陽醫學郵傳養濟院各一所皆不勞而舉公暇則引諸士爲之親課其業且諄諄以孝弟忠信之道告之士悉知自勵每歲孟春令民會

男女節其婚嫁之儀不得論財貨民是以鮮怨曠淫邪之病或以訟至庭忱爲明示其曲直告以講信修睦之義民多自慙惕引退郡帥嘗以非公事役邑民忱堅不奉令郡帥甚銜之亦終不能害久之陞太僕寺丞士民爭立碑志思左春坊謝遷爲之記

霑化縣知縣方克和謙

方謙字克和建德人成化中由太學生授霑化縣知縣先是連年水旱逃亡者衆謙在任六年撫字有方民多復業時有一果雙穗一蒂雙瓜之祥人皆以爲德政所

咸年五十卽致政歸

亳縣知縣胡信之祭

胡祭字信之，淳安人。登成化乙未進士，授直隸亳縣知縣。公庶謹敏，以勸學興行爲首務。民訟多誣，祭聽之，每得其情，舊俗漸革。時滴水橫溢，貽患地方，祭爲奏聞，極恤之。民始獲安。未幾病卒。囊篋蕭然，無以爲飲。直指張璠悼歎不已，命有司爲脩治喪事。亳人悲號如失怙恃。建寧府同知於文瑞珥

於珥字文瑞，嘉善人。登成化甲辰進士，初任南皮縣知

縣尋更吳橋外艱服闋改授無極三任皆有能聲陞福建建寧同知衛有屯田久侵於民軍士失業遂多逃亡凡五奏不得白珥按籍悉還之軍復歸伍擢守慶遠土酋多缺貢賦例出金以贖守珥以其物代覓積逋夷人悅服郡雜夷民士不知學立程式課生徒文教遂興說者以比文翁之治蜀致仕歸卒於家

遂平縣知縣馮世英俊

馮俊字世英平湖人舉成化癸卯順天鄉試選教諭邑僻人鮮知學俊旬授字解捐俸資給人人自奮多以功

名顯既而擢知河南獲嘉縣大璫張永征安化所過騷然俊迎謁永稱嘉民貧力不能任供億永爲歛容謝長者調遂平遂平故無城流賊難作俊簡民兵禦之與許忠節相約誓死封疆匪母妻山中而身率丁壯晝地爲守士卒感奮登陴俱有死志賊知備嚴不敢逼夜潛遁去事平當有殊擢而倦遊乞歸杜門高卧絕跡公庭邑人罕見其面簞瓢蔬食晏如也惻惻無諱實心實行人稱君子

廣西副使陳廷佑

子聲附

陳瓚字廷祐，泰政與之子。登弘治己未進士，初令潛山，改青陽，皆有惠政。歷官廣西副使，嘗行部至梧，夜夢衣麻婦人持牒哭，異之。時有王甲者，爲兄毆死，監司出其兄其妻刀氏，訴夫被姪毆而刀乃死矣。翌日，瓚鞫繫囚，按兄牘年六十而弟方四十，謂衰老毆強壯，安得遽死？此必姪毆之，因悟夢中之婦乃刀也。毆者服辜，衆稱神明已而免歸，囊無長物。子嶧，成嘉靖甲辰進士。

浮梁縣知縣王舜耕坡

王坡字舜耕，東陽人。弘治初，授浮梁縣知縣。初至，室戶

有以側金螭者，被一無所受。縣中自額虎，情入甚衆，有處子將嫁，堂宇嚴邃，待婢森立，虎直入，獨啣處子去，訴於坡坡齊沐，焚跡於城隍虎，忽夜入城，飲爪牙垂首，如有繫之者，衆因格殺之，食日此，吾尹感神所致也。爭獻搏虎歌，無何大旱，坡素服芒屨，自暴炎燄中，三月大雨如注，四郊霑足，民又獻甘露頌。在任二年，甚得民心，因忤上官，竟拂袖歸。

泉州府知府包民敬溥

包溥字民敬，鄞人。弘治庚戌進士，授新泰知縣。凡六年，

政成民和陞南道監察御史以風裁稱轉泉州知府公門如水庭鮮滯訟明年入覲卒於傳舍平生蘆潔自持衣不統綺食不兼味敝廬數間僻居委巷既其死也囊無十金惟遺圖書數卷敝衣一篋而已至今人稱曰包孝廉

福建僉事查原博約

查約字原博海寧人弘治壬戌進士授南京刑部主事進郎中陞福建僉事下車輒問民疾苦悉力撫循之屬歲旱疫癘大作約躬動襁褓給藥療治清汎徃行闕釋

無辜天大雨疾亦良已延平邵武暨福州軍相繼扇亂
約單車申諭衆咸戢服擢山東副使以憂去補江西持
廉秉公嘗以訊決脫士人於死人誦其明進福建參政
約舊有施於閩人咸悅其來至則治學舍廩孤貧惠養
士民士民懷之陟左布政使值歲游飢乃下令諸司掾
上納者悉出穀分貯各倉以備賑濟無何而庾官反獄
羣吏皆散走約以前三郡兵亂皆單身諭降威德素著
於閩冀賊可化誨乃銳身以先吏卒未及發語賊怖突
而前約大呼擊賊左右莫有應者遂被害閩人聞約死

東漢書卷之二十八
皆痛哭立祠祀之

太平府知府項誠之經弟綬附

項經字誠之，襄毅公忠之子。登成化丁未進士第，授南京福建道御史。七年而出守太平。太平國家股股郡，然民貧，不寬不可。於是身撫循之。凡流亡來歸者，數萬計。聞襄毅計奔喪回，太平民留者竟道，枳不行，經泣而諭之，乃引去。服闋，移治臨江。臨江與袁筠諸郡接壤，土寇出沒其間。前有司幸玩愒，弗敢動。民無寧居。經憫然曰：夫臨江與太平異寇，弗擊，民弗寧。乃立捕諸豪賊百八

十人按之一郡肅然逾年臨江大飢米石千錢有司方請賑經曰民飢甚矣必請而賑是含口以待斃也賑而弗請罪在太守太守寧以一身活萬人於是發府庫數千金建和糴之法民賴以存者無筭而監司督賦方急經人諍曰化理民命爲重民億矣以杖驅之是東羊加石而沈之淵直速死耳民盡死賦從何出太守死不奉命監司怒已而歲大稔民感德報稱輸賦恐後卒爲諸郡先監司乃悅時中官瑾擅權天下吏多賂瑾者經獨弗賂瑾怒或以告經曰人各有志也彼烏怒卽怒吾命

耳卒弗賂諱乃移治汀經曰鵬止是幸矣卽日之汀臨
江民留之猶太平也治汀者期月政盡舉乃卒勸致仕
江民留之又猶臨江也經卽夜遁去時經弟綬爲千戶
已進指揮矣而又從征廣右有功瑾乃矯詔縛綬編戍
遠陽無何而瑾誅諸賂者皆敗經獨以薦起經曰吾今
乃可休矣夫人處世若飄風耳吾寧千里爲吏俯仰人
作強壯態執若林臯自怡也乃自號怡庵遂上疏請老
授江西右叅政致仕優游林下者凡十七年而卒年七
十有八

路南知州徐子肅憲

子汝圭附

徐憲字子肅淳安人領弘治壬子鄉薦授路南州知州州故百度廢弛群盜縱橫憲下車多方料理招集夷民教以耕織生擒賊首百餘人又單騎深入龜竹二山招諭群賊皆叩頭乞降願爲編戶當道皆以其有經世才交章引薦憲執理不回與分守陳一經不令遂致仕歸閉門却掃日以課子讀書爲務年八十餘猶手不釋卷有五峯集藏於家子汝圭字德升嘉靖丙戌進士官至密雲兵備副使蓋得之庭訓云

廣州府知府袁景燠

袁燠字景輝，慈谿人。弘治辛丑進士，授南京兵部武庫司主事。轉車駕郎，以耿直稱。守備中官蔣琮最驕橫，嘗囑燠以不法事，弗聽。琮銜之，誣燠以他事下獄。逾年得白，而直聲益彰。改刑部進郎中，明刑執法，稱西曹之最。擢知廣州府。廣州嶺南大郡，前守以贖贖敗事，燠至，教令一新。興廢舉墜，每侵晨吏抱文書魚貫進，燠爲拈摘奸慝，畫一以示涇臾，而盡吏受成案去，噤不敢出一語。廣民喜告訐，皆屬目燠。燠悉召其人訊之，立得其是非。

狀皆匍匐悔罪塔下始而紛訴盈庭繼而訟者益少人弗敢欺廣爲城控引諸番際大海茫洋數千里雖物貨繁阜而中有隱憂憊爲繕治城郭操練兵卒時戒不虞衆或以爲迂而後倖有佛郎機之變以有備無患人始服其先議郡屬如新寧等邑半爲盜區憊曰是未易以恩信撫也乃謀之督府次第舉兵取其渠魁誅之其後始安而自戢撫按以憊卓異言之朝詔進階亞中大夫食三品俸而視事如故將以需大用也正德初旣六載考滿逆瑾欲以順天府丞缺償憊索金三百兩憊曰京

兆丞顧可以賄賂得耶。忤其意遂致仕歸。歸之日民攀送者咽路。燼乃夜從間道去。居家凡二十七年。日與二三耆舊徜徉於山巔水涓。絕口不言時事。亦不潤跡於公府。人尤以爲難。卒年七十有七。

臨淮縣知縣呂克中和

呂和字克中。鄆人。弘治己未進士。授臨淮縣知縣。臨淮故皇陵重地。開國諸勲裔在焉。又水陸要衝。財匱民困。而豪右併肆侵漁。和提挈綱維。芟削荒穢。百度一新。值歲歉。發公帑兼貸種。以賑助之。民用甦息。又擇子弟

之秀異者聚之學舍時給筆札躬爲程式毀淫祠四十
五所撤其材餉新公宇僧尼悉還編籍每中使出其治
然貪虐費且不貲和乃覈符驗緩急而節量之治其尤
橫者徃徃多假他道以去丁外艱歸服闋改建平道出
臨淮民遮道挽留郡守邊冀以簡書畏嚴諭以再四始
聽出境建平俗囂囂喜訟素稱難治和按其豪黠不可
化誨者窮治之姦惡欽戢時黃河水溢臨淮民赴闕奏
改和而建平民恐聽之去卽數千百人徃爭之士大夫
莫不嗟異以爲未之前聞也陞刑部主事員外郎山東

按察僉事遷陝西副使撫治漢中進四川按察使便道上隴而以倨傲拂衆遂被論落職歸

敘州府推官謝舜卿愷

謝愷字舜卿義烏人山歲貢授敘州府推官操履清介訊鞫明允弘治戊申蜀大歉奉勅賑濟多所全活時盜賊縱橫招徠安集民大感悅兩臺交章論薦朝命方下竟以勞瘁卒於官舍旅櫬東歸篋惟救荒誓却金圖勸民詩籠雞說數冊而已所著有石樓山稿

洋濟縣知縣張惟善時政

張時政字惟善，鄞人。舉進士，除令東莞。以憂歸。改令萍鄉。萍鄉故獨邑，又屬孔道，冠蓋雜遝。縣令日策馬往來迎送。又時羅列盤盂饋餉客。比歸，則張燈燭，滷數下矣。時政至，一切不問。日坐堂上，校簿握筭，搜剔殘卷，瞿瞿矻矻，窮宵旦不休。乃裁冗費，鋤豪惡，毀淫祠，興學校，平反冤獄，布德施惠，與民更始。會天旱，時政徒跣行禱雨。隨車而至。時縣舍有蓮一鉢，雙葩，人以爲德政所感。時政故孱，不勝勞費，遂致疾。歎曰：「吾有三不足，飢不遑食，倦不遑寐，遽疴不遑拂沐。」孰與田農哉！然稍足以慰吾。

者此耳。竟不起。萍鄉人戶德之。飲食必祝曰：張侯生我。已而祠之學官。

古田縣知縣汪石中瑾

汪瑾字石中，開化人。弘治中以貢授古田縣知縣。下車輒以公廉誓於神，均賦役，平獄訟，修橋梁，一介不取。民大疾捐俸入醫賑，所全活不可數計。時當路有欲橫征者，瑾獨不奉。今日吾不能剝民脂，如人遂託疾歸。民懷之，移文至邑以頌其德。家居二十餘年，絕跡不入城市。悠然自得，直已守義而周於恤，不自知其室如懸磬。

也求集吾學志其墓

德平縣知縣范瑁

弟瑋孫言曾孫應賓又從孫之族

范瑁秀水人弘治庚戌進士授德平縣知縣。潔已愛人以治行內召。辭任僅餘俸二金。尋以病卒。歷官十五年。貧不克葬。當路爲治兆域。郡邑大夫暨縉紳鄉先生會葬者。舟車塞途。人以爲廉吏之報。弟瑋先領成化庚子鄉薦。孫言曾孫應賓又從孫之族皆舉進士。

桐城縣知縣沈敬敷教

沈教字敬敷。慈谿人。正德甲戌進士。授豐城縣知縣。以

夏去改桐城。沈毅有謀，篤於愛民。桐故孔道，值宸濠之變，巨閭悍將駐兵江上，供億無算，教力爲裁，損民忘其勞。建桐溪書院，置學田以造士。桐邑稱治，擢御史，建接雲南會尋甸土酋安銓搆亂，武定土舍鳳朝文應之。六詔震動，夙夜籌策，數月不解，幣卒以底定。時在盛年，擢爲之白，以是著聲朝野。歷藩臬，爲光祿卿，陟副都御史，提督南京糧儲，致仕卒。

重慶府推官李璽

李璽，縉雲人，忠直多大節，嗜學博聞。任重慶府推官，公

庶仁明不勢。休不利。奪有弟殺人。賂坐其兄者。庶知之。
竟坐弟。銅梁有亡寇。囚其父母妻子者。經年。璽曰。罪人。
不孥。釋之。歸農。寇聞。感激。自赴獄。三年。考最。囊橐蕭然。
還家。鬻業。以充行資。擢知趙州。苦節惠民。甫五月卒。趙。
人巷哭。家莫建。仰德。祠於州治。以祀之。所著有一泉集。
倅淪集。就正稿。

湖口縣知縣陸文盛郁

陸郁字文盛。西安人。由歲貢監生。授江西湖口縣知縣。
時值宸濠之變。州縣多被收印篆。郁獨佩印。以死守之。

卒不能奪毀淫祠以杜民惑賑水荒以蘊民困類多善政陞廣東鹽運司提舉啓行之日百姓遮道不忍離時糧長積每歲常例二百餘金餽之以供路費毅然却之廉靜寡欲嚴於自治終始不渝其操在任八年每食蔬素時人以陸青菜稱之及任提舉政聲懋著致仕卒

咸寧縣知縣陳悅

陳悅縉雲人浙江省試第一授知咸寧作教民榜多善政民稱真父母當道交章論薦未幾卒於官士民巷祭路哭扶輓至家者數百人

欽州守徐良璧珪

徐珪字良璧開化人天性孝友與弟瑄同師求樂吾公
中鄉舉以會試乙榜授唐縣教諭考風憲第一擢令羅
源治爲諸邑最陞欽州守有惠政造景宸堂以自勵時
欽民以魚爲業前此賦繁而魚徙珪反其政魚復還民
咸異爲建還魚亭以誌之復爲之謠曰潮陽鯉欽海魚
魚利再興鯉害除蓋戴之若韓公云未幾以疾乞歸民
爭挽留之卒於家侍講趙永志其墓

襄陽太守徐子正咸

徐咸字子正海鹽人正德辛未登進士第初守沔陽西
屬兵燹後且值陵谷懷襄民嗷嗷待殍咸務在撫輯與
養區畫中理民多全活初沔地宜黍鮮植嘉穀咸爲之
陳厥疆畝引渠灌泉略倣吳地播種之法與民習之民
享其利居三載入覲屬吏託餽膳名盛貨帛以進率謝
却之庶譽益彰隨陟夏官郎去會武宗南巡咸凡事
豫戒備無不周銓官聞其賢擢守襄陽爲政一以平易
近民爲本民以是益親附之歲值恒陽躬率父老格修
雩祀憊暑不輟而甘澍應妖民惑衆禍巨測咸計磔渠

魁脅從不問悉解散其牧養一如牧汚故襄人戴之猶
汚人也。廖太史鳴吾作楚紀列戚於登績傳童太史內
方以餘姚孫衍華亭張弘與戚先後同官均有懿政目
爲三高嘉靖丙戌入覲忌者沮之罷歸。日事編纂有國
朝名臣錄澤山野錄詩有東濱三稿戚天性孝友宅心
坦夷事父母寢處飲食省事必躬官至二千石田宅不
侈常祿之餘悉俾仲兄節奉怡二親不問其出入嘗築
園城陘日餘春每遇勝日邀伯兄泰及里中諸名士携
白榼棋枰於禪扉竹徑暢詠陶然仙如也卒年八十八

延安通判周時敬雷

周雷字時敬松陽人由歲貢判延安出鎮神木督倉廩謹度支崇學典教恩威並行但地接北虜時被侵掠乃相度地宜築堡防禦使人掣其馬虜遂懼不敢逼又地高乏水人多病渴令各鑿井利濟無窮及歸民皆遮道泣餞不忍別林下三十年無暴色疾言人稱長者

長洲縣知縣吾廷順翁

吾翁字廷順皞之次子以會試乙榜署天長教諭嚴而有恩重建學宮簿正祭器獎賢表節教化大行尋舉進

士知長洲。蕪明剛果人。莫敢干以私。擢判應天轉工部主事。丁內艱。遂不仕。四方從遊者甚衆。所著有易說。濟庵稿。讀禮類編。醫書會要。藏於家。

陽信縣知縣陶時莊儼

陶儼字時莊。秀水人。舉正德甲戌進士。初令陽信。遭流賊焚劫之後。士女此離儼盡心撫輯。請於監司得以羨金捐逋賦。民賴全活。後歷江陰南樂所。至有聲。擢南京雲南道御史。監試應天。清戎江右。風裁凜然。後守太平。歷揚州。皆有惠政。遷河南按察司副使。尋告致仕。家居。

二十年足跡不入城市惟延師督課子孫捐田佐族人
之逋賦者臨終猶屬其子置義田贍族至今賴之

清河縣知縣陸文珮琳

子必附

陸琳字文珮平湖人領正德庚午鄉薦授清河縣知縣
值歲侵飢殍相望捐俸設粥全活者衆俗不事耕織乃
教之遂爲永業政績卓異擢監察御史按蜀行邊風俗
丕著終撫州守惠政視清河尤顯歸休恂飭自頥不展
公庭每以魚肚二字訓迪後進鄉邦重之子必字契淵
少蜚聲藝林孝友備至潛心理學著有捫心錄運甓餘

抄座右箴易箴時猶作歸真訣令諸孫誦山本章以暇
時稱爲古君子

宜春縣知縣姚應辰參

子篚箴筆孫體信附

姚參字應辰平湖人正德庚午領薦京闈分教饒邑以
經義指南諸生擢宜春令暇飢興利搏擊豪強歲省茶
貢費十之九民若更生宸濠之變爲王公守仁應援斥
諸顧望者濠卒就擒再尹桐廬尋進水部郎權稅荆南
益持水蘄會長子篚舉於鄉欣然掛冠歸居鄉約已敦
俗周恤故舊子篚仕至僉憲箴筆竝舉鄉薦孫體信進

士所受父產悉讓之兄弟衆共推之

山東僉事錢可容宏

錢宏字可容錢塘人正德戊辰進士授刑部主事晉員外郎讞獄西曹以明慎稱陟山東按察司僉事巨寇王堂趙志劫掠近縣宏督兵一鼓擒滅之進副使華鎮守無名夫役刑其厲民者民賴以安章丘水災解俸勸賑所全活無算擢廣西按察使歷福建湖廣左右布政進副都御史督兵南贛簡閱兵備節財裕民建趙清獻文節公二祠以訓忠節宏爲人孝友篤親睦宗歲租所入

分逮姻黨人高其誼在南頓以病乞歸三年卒

鉛山縣知縣杜望之民表

杜民表字望之，陳人。正德丁丑進士，初知鉛山。心慈而
守介，視民如子。宸濠之變，決策守禦，民賴不驚。尋拜御
史，大禮議起，忤旨廷杖，遂罷歸。臺省屢薦，皆不報。鉛山
人祠祀之。勒銘云：道上有青天之譽，獄中無白日之冤。
韶州府知府陳用光紹

陳紹，字用光，上虞人。弱冠登進士，初授廬州府推官，以
明允有聲，拜南京河南道監察御史。嘉靖壬寅，北虜大

侵西人半爲屠修。紹忿然上疏曰：宋時中國相司馬遠人戒飭邊吏。今日者誰執其咎？忤宰相意，遂出守韶州。紹怡然就道。至則與民吏始，榜示十餘事。其大者曰：清水源禁侈汰，稽積滯，輯盜賊，一郡咸屏息聽。先是徭役以人一丁配糧一石，貧民苦之。改議一丁配糧五斗，曲江附郭里甲煩費，爲之稽籍分日，縮十之七。韶民貧而喜訟，得其情而捐其贖，訟者感化，應德有楊金者，殺異福奉賄吏，嫁罪。蔣效文翁源池成，鑑謀殺嫂姪，飾僞牘冀倖免。紹一訊皆伏辜。令郡以爲神明。乙巳歲大飢，發

康栗躬爲校給。迄無冒濫者。民大稱便。而慶更生已而
四月。不雨。至於六月。紹閱之。綿雪於山川。日。數集。瘞暑
毒弗戒。忽感。賸卒。卒而雨至。聞者莫不流涕。年僅四十
紹居官。庶慎。卒之日。衣囊書篋外。無一長物。遇事審計
不輕舉。舉必有成。交不妄與與者可託死生。壬辰下第
將歸。一友同舍。偶病疫。且殆。紹曰。隨衆奔去。如此友何。
獨留治療。俟其愈而後別。

太倉州判金孔殷江

金江字孔殷。義烏人。嘉靖初。由太學生任太倉州判官。

以開濟。一浦有功。陞高唐州同知。捐俸賑荒。民賴全活。兩佐大州。未嘗廢學。公退卽燃燭讀書。所著有續綱目。書法端本要略。華川文匯錄。義烏人物記。

安丘縣知縣邵本中大章

邵大章字本中。錢塘人。以明經數冠諸生。舉鄉薦。起家桐城教諭。東贄不行。遶其秀文而貧者。躬誨之以最得。安丘令。安丘故多盜。而董贊王學古爲之魁。大章畫策。捐之。置於法。餘盜他徙。夜戶不外閉。民始得盡力生事。以儲蓋藏。大章復平稅歛。時從役以務爲休息。民各欣。

然出其財力以輸公而家更饒時御史何廷鈺者議海
運以委大章大章爲條析其不可狀上御史意殊不自
憚然無以難也竟以是去守上思大章不夷其俗敦信
崇禮翕然向化其治大約如安丘以才移署橫州治狀
加上思以最聞得同知福州府卽移疾歸歸二年而母
卒大章柴毀骨立竟以不勝喪死死之明年婁江王世
貞來叅浙藩悉大章所以治安丘者乃勒石表其封曰
嘉靖中循吏錢塘邵君之墓

興化府推官沈大新鑒

沈鑒字大新嘉興人嘉靖乙未進士初授興化府推官
庶平不苛攝莆田縣事伐石築隄禦海風濤不能害稼
而民用大穰陞南京工部主事進員外郎權稅蕪湖令
商自籍其稅而上計時卽以其籍往不更籍胥吏不能
爲奸後知延平省里甲節厨傳清筦庫刑清訟簡民甚
便之陞江西按察司副使備兵饒州計擒劇盜數十人
以脾病卒於官

蘓州通判包子木梧

包梧字子木鄞人領嘉靖壬午鄉薦通判蘓州時織造

中貴怙勢，傲視判如下吏，判亦庭謁執禮甚卑，無敢抗者。栢獨長揖，不爲屈。輒外取索，裁章殆盡，心銜之。詔奏達，詔獄請無爲州史目。未幾，改成都府通判，陞福建漳州府同知，漳瀕海，故盜數，長吏視爲故事，置弗問。栢特設青鈎，致捕繫株連，不遺餘力，中多豪有力者，爲之與主，畫議遂四起，竟奪職歸。栢爲文，率奇詭雄俊，自成一家言，有白圭集若干卷。

饒州府推官康伯正學詩

康學詩字伯正，世爲浙西學，康以題寇徒華亭，遂家焉。

學詩少類集、工屬文、以春秋舉鄉試、數上春官不第、謁
吏部選、得饒州府推官、而郡豪吳陽與弋陽豪仇聞死
者各數十人、案十餘歲不能決、臺檄學詩與府倅某會
謀之、倅遠邇不敢往、至以罷去、而後代者爲弋陽徐令
滿、滿心欲右弋陽民、學詩知之、至譴而二姓各具甲以
從、曰是行也枉必死之、學詩顧令滿曰、無分民也、察其
情不甚懸、而聞死者敵、遂歸獄於死者、而末減豪使從
贖論、咸叩頭惟呼、散去就農、曰微廉君吾甯復知生
人業耶、諸臺使、焚褒屢下、且遷矣、而以案嚴宗室爲所

中調蜀之重慶其治如饒亡害又署瀘州州事一切治
辦青苦旱既而禱神雨澍應歲乃有秋兩臺交薦復實
遷矣而竟以持法失分延食事意構之臺以論罷學詩
笑曰吾再更佐大郡縱屢屢乏善狀乃再以一毀而勝
十譽若承蜩然則豈非天哉歸而築園舍俟有卉石亭
榭之屬其屬詠其中時時從諸老先生社游及爲酒酒
極豐乃其自奉則一筭器食以故竟老無家指累卒年
七十有四

延平推官李珉

李珣縉雲人任延平司理鞠獄明允人稱不寬有父訟其子者其孫曲護其父珣曰爾知爲父之子不知父亦祖之子也三人相抱大哭叩頭悔罪而去卒之父爲慈父子爲孝子孫爲順孫聞風者無不感化聚賢里人多好訟訪其刀筆竊懲之訟爲頓減尋遷撫州別駕時明寇出沒布德惠嚴規畫境土肅清僅四月致仕日吟咏歸來堂於世事蔑如也

惠州知府沈子完坦

沈坦字子完平湖人嘉靖乙未進士除大理寺評事左

歷寺正奉重書錄囚廣西平反冤獄七十餘人不爲法
縛亦不刑法獄上盡如議陞汀州知府內艱未上歸補
守惠州惠在嶺海間難治垣政先風化廣厲學宮嚴御
徒吏勾校簿案事至立斷務得民情錢穀出入蒞以清
平黜胥吏手不能爲奸郡人皆曰太守敏達魯某豪有
力宗黨皆姪橫凌鄉曲持官府短長嘗謀殺隣人莫敢
發垣廉得之逮至卽訊詞証明甚并其宗黨咸抵法李
鑑者和平劇盜也糾羣偷負險白日出剽劫垣設方略
調兵餉聲言且剿賊乃使人持檄入巢諭禍福鑑自縛

伏罪支附皆解散。垣亦不窮治。郡人又皆曰：太守明毅，值歲侵，民大飢，且轉溝壑，或聚爲盜。垣發廩賑贍，急爲一糴，法通有無，民得全活者，不啻幾萬人。郡人又皆曰：太守慈惠，垣天性真純，表裏無貳。郡中旱，請雨，卽雨；潦請霽，卽霽。郡人又皆曰：太守治行通於神明，蓋視事甫及茲，而上下孚洽如家人父子，不啻也會郡有利病條，上議督府，議道中，中瘡卒於番禺館舍，年僅四十有八。垣篤於孝友，善事父母，曲盡愛敬，昆弟相與推盈，取歎曾無間言。世勤耕織，饒於布粟，歷官清慎，所至資給於

家與人交直道坦懷中無丘谷三族故舊恩禮隆洽周
恤補助不吝財力茶陵張文隱公嘗曰沈子完舍章篤
行可謂慥慥君子豈時以爲知言

歸化縣知縣章若虛宗實

章宗實字若虛世爲溫之樂清人徙家常熟遂占籍於
吳宗實生而有通奇之譽嘉靖庚子薦於應天數試禮
部數不售遂謁選得汀州歸化縣知縣歸化在萬山中
其民椎而犢前令歲審後卽重開爲衛謝不見客民亦
往往推瓦礫叩門呼許宗實悉徹去令民大小得以情

請宗實徐爲平亭而遣之。畢事無譴者。邑有公使厨傳取辦里甲市小猾得以緩急持之。昂物價至數倍。乃與宗實第令里甲計費輸官。官爲市物歸其贏。一時稱便。遂行之。諸比邑以爲令。又損俸餘及嘉肺之美緡飾學宮。新講堂。暇則褰衣延諸生談說經義。彬彬甚都。而會廣大盜數千突攻邑。宗實倡吏士日夜乘城守。前是邑門爲木寨。以四旁無濠。宗實曰。是不可攝。齊上手趣甃甃門。上立鉅樓。四週浚濠。使民得漁之。甫畢而賊至。堅不可下。城人飢。且內潰。宗實急出橐中裝散使賑之。以

先諸豪乃肯稍相給。賊既退，父老數輩，齎金帛詣縣告償。宗實謝曰：「賴父老子弟，僇力爲令守令，念無以犒士爲父母羞。何事費父老償乎？」卒不受。無何而廣寇復大起，所過城邑，脅軍資累千金，乃肯退。宗實獨持不與，相推凡七閱月。賊知不可動，第爲書射城中以去。盛稱令賢，疆爲令故。完邑不者，屠矣。賊退而疫大作，宗實亦以勞沾疾，且革。謂其家人曰：「死生命耳，吾不負邑。」可以下見先人矣。語畢而逝。年僅五十有一。邑人聞之，奔走號哭曰：「令不負吾邑，邑顧可負賢令乎？」爭輸金帛、庀材。

構祠肖像以祀之血食至於今不替云

延平府知府陸大行相儒

陸相儒字大行嘉興人嘉靖乙未進士授工部主事出知延平首行條鞭法爲八閩倡閩人稱便永戴之又勸義倉行鄉約興學右文郡大治擢貴州憲副土酋拒命數載時議撫議剿無定畫相儒獨許其自新卒歸順以憂去後補閩中會島夷入犯晝夜集勞遣材官逆於海斬獲有功未及聞以疾卒於官士民莫不流涕相儒天性孝友粹白冲和士林僉讓其德卒以勤民死官福延

兩郡祠祀之至今

徐聞縣知縣王德純朴

王朴字德純秀水人天性孝友動必師古歲置日曆以自檢押後以貢授徐聞令清介自矢壹意爲民興利剔蠹邑故有珠池課中官恣溪壑爲民患朴請罷之又檇榔稅佐縣官厨傳徃徃入爲橐中裝朴爲首革因著之令其他釋冤獄賑飢民創立社學教民鑿渠時澮洩以溉田水旱不能爲患民至今食其德尸視之比於桐鄉威縣知縣錢汝冲木

錢木字汝冲本姓劉父榜贅同里錢氏因姓錢嘉靖改元以尚書登鄉薦明年成進士授威縣尹威號難治木開誠待之榜境內求能箴吾過者修威廟創小學訓豪士捐俸倡邑中賢豪勸得穀萬石築城中弃地室一千三百區募受廬者區歲粟一石入社倉假貸貧民歲息十二積數歲得穀又萬餘石增築威壩外郭濟湟植木爲阻木幾河北大無麥道殣相望威獨全活流民自相占者先後三千人威苦牧馬牧馬種尤苦木度牧馬田爲兩稅牝畝十三於是民爭受馬矣境內有藩府佃

卒豪按勢凌民民苦莫可訴術至按法斃其尤羣豪卒
不敢譁威賦不均術微漳州國樟則壤畫界爲經遠計
雖勢有力者請肯不曲聽貧富咸便之河北三郡父老
皆請於憲按御史願得錢知縣均我田威有門丁產三
徙吏士上下其手與奸市術就中哀益人人以爲便
憲御史下其法河北南陽鄆縣魏濟長垣諸父老又皆請
於憲御史願得錢知縣均我役術旣旁歷諸邑無勿便
者而內黃南和敵尤甚術爲經理三月內黃南和亦大
治最書九薦稱循吏陞工部營繕司主事無何以疾卒

年僅三十有九子二長煥次煥自有傳

馬湖同知薛文明治

薛治字文明。涿州守機之孫。年十六。廩於學官。時詔簡諸生貢薦京師。毋限年資。治以第六人應選。後先試。前兩南京俱不第。遂謁選。得通判梧州。以廉明稱。嘗攝守事。巡行鬱林諸州縣。民苦重稅。弃其田不治。治歎曰。理民之道。地著爲本。乃召民占數佃作。五年乃稅。編戶樂業。硤礪盡墾。狼兵種陸川餘田。稅與民等。治曰。兵推結。操弓弩。居守。出征。非若農時修。國畔日服其縛者。奈何。

與民同輸乎卒損稅之半置轅田焉三年來最權知惠
度值歲惡民流珍珠嶺有龍神能行雨祠禱不應治
赤日中跣步往來雨大澍而歲乃得稔厚坪羣虎晝
人移文城隍神使驅虎三日爲期虎如期去一虎踰城
門下若伏辜者射殺之郭外居民火飛焰及郭內州人
恐治乘城拜祝曰守誠有罪願以身受焚毋及民忽雨
注火滅土民歌謠之莫不曰虎北渡河逐風滅火於今
復見之始知古史無飾詞無何以外艱歸服除除四川
馬湖府同知九絲賊叛督府屬治監帥劉顯兵剿之贊

畫方略料賊情如燭照不踰月而賊平當是時寺人不
戒於火官殿災治度必徵材於蜀賦歛趣辦所在買辦
踴則民病矣乃奏記上官先事早備卽之徵外徭徠穴
中採以啖已大臣奉命至蜀楚滇黔四藩獨馬湖事半
而功倍兩臺交薦計最推爲水部郎未被命道卒年六
十有六治人官十九年蔬食布衣如故母歿父不再娶
每侍寢輒潸然涕下生平一絲一粟必以進父無私索
伯兄早世父孳孳其子乃盡昇父所授世產而後分祿
與已子等解偏駁之愛緩急相護孝弟廉平大致如此

所著詩文十二卷，雜著八卷，成一家言。

常州府知府應子材櫟

應櫟字子材，遂昌人。嘉靖丙戌進士，授刑部主事。歷郎中，奉詔書恤刑南直隸，平反獄囚，全活者衆。出守濟南，歷常州、寶慶、辰州。卓有異政。常州勒石致思，比之龔黃。天官尚書許瓚嘗言於朝，稱其爲天下知府第一。擢湖廣提學副使，累遷山西巡撫。會北虜寇畿甸，卽先諸鎮入援。朝廷嘉之，錫以燕賞。陞兵部侍郎，總督兩廣，以征土山勞，瘁卒於官。計開贖兵部尚書，遣官祭葬。所著

有慎獨錄，獻獄稿，大明律釋義行於世。

蒲陽縣知縣陶世顯謨

陶謨，字世顯，秀水人。嘉靖壬辰進士，初令建德，以才調蒲陽，治爲諸縣第一。召拜監察御史，巡鹽山西，商氓稱便，還攝六道事。劾武臣驕縱不法，竟致於理，出按江西，贛州盜起，爲設方略擒之。巡視京營，稽尺籍，清佔役，以千數。丞大理，多所平反。丁外艱歸，乞以身養母，終謨家世孝友，嘗置義田贍族。其子孫多馴謹，里中家法多稱陶氏。

常德府知府陸汝行州

陸州字汝行海寧人嘉靖甲辰進士初授南昌教授遷
刑部郎出守常德郡受沅靖五溪諸水舊築土隄捍之
春夏水暴土蝕則兩崖之間不辨牛馬州請易土以石
募民貲捐帑金爲長堤百五十步高四仞廣半之湧至
始不爲災縣官以賦則淆混徵歛無藝良民或倍輸之
稅乃強黥者終身負責漫不裁省州戒民毋入城納稅
第置循環二籍鈴發里甲歲令沿戶按額取之而納戶
得以所納期限稅自手註於籍月終更互考成之完負

悉有稽覈。公賦大辨。州治郡三年。不爲烜赫可異之政。惟務約已愛民。他如均傳費。獎士類。屢賑恤。每事必爲之區畫。期於奉法循理而已。陞九江兵備副使。民生祀。於城北。未幾丁內艱。卒於家。郡中父老。幸子弟朝夕慟哭。祠下如喪考妣云。

徽州府知府陶子述承學

陶承學字子述。會稽人。嘉靖丁未進士。授中書舍人。遷南京湖廣道御史。出爲徽州府知府。徽故山郡。其民負氣好爭。以善訟爲豪。久者歷數十歲不解。平居不肯出。

一錢至賄獄則破家不惜且輕視官府以爲吾貨足以取之也訟不在大卽口語有爭輒起訟訟輒以殺人爲辭勝者戚里皆賀負則閉門憤恨若無地以自容然或賀者在門訟者在途牽連不已承學不厲聲色大事律斷小事情宥諸爲間者投賄者假權勢請託者造蜚語者曲訴上官者一切不問中情律而止於是訟師狡竊猾魁氣折望府門而心悔者十之九其訟殺人者必先與約曰此非汝父卽汝兄不亦皆手足戚非有沉寃而戮其腐骨卽當與殺人者同律令具服辭乃爲驗之不

得實卽重坐。僅法一二人而迄終任無敢誣殺人者。敏於決斷無宿案。下邑民就讞者止春半。升糧因號曰半升太守。月再受狀。初至日數百人。二年後則不過數人。有時或竟無一人。郡前食肆俱罷。衢市寂如。時島夷擾東南。義之山寇上江諸郡。數有大寇。承學胥以顧後。意行之。役竟而民不知。或之旁郡。見其疲於兵甲。乃驚曰。吾郡何獨無此。歸更相質問。乃知之。因相語泣下曰。太守生我。秩滿。擢江西按察副使。兵備九江。瀕行。郡人擁門頓首曰。明府今去。笥中無一畝土物。故土漸矣。府無

服用物也。又價廉歸以遺鄉人。可止。三辭謝，乃取墨一螺，扇一握，受之。歷轉藩臬，詣正使，積官南京禮部尚書。以失江陵旨，致仕歸。初在徽時，下邑人往往書太守爵里祀於家。及去，乃相率立祠於郡郭，置田供祀。久之，益思慕過者必拜。春秋祝釐於祠，大會飲，胙寃者輒走訴，或禱卜焉。其買四方者，遇會稽人必問太守眠食狀。若何？子綸修望齡嘗一至徽，居人爭出觀之，所過塞路曰：「此吾父兒耶？」父老有泣下者，其爲人繫思如此。

廣信府推官卞信卿誌

子錫附

卞謙字信卿嘉善人以進士任廣信府推官爲人機警
決獄精明雖老吏不能及嘗經鉛山嶺道有卧屍忽夜
夢一人謂備者爲主所殺密訪其人得之竟置於理郡
有巨室殺人匿屍燕室中獄久不決謙知其處發屍
驗之遂服辜其善摘奸伏類如此郡中稱爲神明三載
考績赴銓部卒於途子錫工詩稅登制科官司勲有聲
松江府同知陳敬夫善道

陳善道字敬夫平湖人嘉靖庚子舉人初知德安築城
以禦流寇諸民奸法者悉按治之尋改倅廬州掌錢穀

不私贖金轉松江府同知撫治小民嚴治逋首所創規條迄今守之歸田二十年布衣蔬食不減寒素自謁選時有林田二百畝歸而如故時人服其清

奉新縣知縣來子禹汝賢

來汝賢字子禹蕭山人嘉靖壬辰進士初知奉新奉新江西陋邑也其俗橫閭狠訟抵訐矜健務必勝不勝則陰伺持上官短以責右已無何依違之否且立去汝賢至根批其尤者數人痛法懲之既而曰此豈道化意耶其他固吾赤子於是開學館延進諸生爲指示經法爲

文章躬行如是而是諸生歸以諷其父老子弟。父老子弟皆曰吾令良願哉不爲非諸部使者大異之薦上其能凡在奉新十月而調丹陽丹陽道衝兩都舟車至西郭門日數十百縣令日出出河許造請諸大夫賢者磨折爲禮視供具徒隸一一指授無失賓客意久之歸縣中爲民均賦平爭訟調後作不暇給矣又時時延進學官諸生講說經訓勸行如奉新時考最召拜兵部職方司主事無何以在縣積勞致嘔血至是益殫瘁不爲吏遂乞身歸歸五日而卒於家年僅三十有六所携宦橐

無十金而讒者顧謂其受同列之餽士憎茲多口信夫
德安府知府張鳳來

張鳳來秀水人嘉靖丙辰進士初授刑官日與諸僚講
解律例至一字必嚴辨析及慮四江南多所平反出守
德安當景藩之國歲復大侵鳳來調度得宜而飢民不
疫治行稱最已備兵九江轉聞泉時廣寇林道乾倡亂
勢且蔓延而玄鍾洞山諸洋盜復乘機並起爲之聲援
羽檄旁午民心糜沸鳳來鎮以寧靜徐授方畧以次悉
平之事聞賜金幣以勞進雲南左叅政未上卒

汝寧府同知錢子元貞

錢貞字子元嘉善人博學績行以選貢入太學領嘉靖丁酉順天鄉薦授福建尤溪縣令擢守峻潔愛民好士陞汝寧府同知悉心佐政保民如赤子代去百姓攀轅不忍捨夾轂焚香送數十里而後返以入覲卒於京邸汝人聞之爲之巷哭所著有實政錄

廬州府知府屠宗豫仲律

屠仲律字宗豫應城之仲子嘉靖庚戌選士初令武陽政聲籍甚擢南道御史彈劾不避權貴有壘輪風惡虛

州太守。視身清約。時軍興浩費。更以景府之國。郡邑騷然。仲律一意節省。嘗減他郡十五歲。大侵。民多遭賦。爲出贖銀代償。又出積穀數十萬與民平糶。所全活甚衆。其他典學育才。銳意風教。士民信愛之。竟以勞瘁。殁於官。仲律。僦僮有大慶。事母孝。伯兄食貧。歲倡諸弟。捐金助之。宗黨故人。多受惠者。至今頌其德不衰。

濟南府同知楊汝承祐

楊祐字汝承。錢塘人。嘉靖己丑進士。選庶吉士。出爲湖廣興國州知州。擢刑部員外郎。時與同僚者忤。其人愾

士流訪當路，遂左遷濮州知州。陞濟南府同知，祐爲政
應平糴，閭其典二州，佐劇郡，皆以平賦役，興學校，著名
節，裁冗費，訊決無枉，所在得吏民心。旣去，民歌思之，陟
江西僉事。甫入境，值弋陽貴溪盜起，祐單車詣部，收其
渠魁，餘悉下教厚之，盜應時解散。後坐興國謫，調湖廣
僉事，擒劇盜，廣招携，興利舉廢，善政種種，無何卒。祐爲
真洞達，胸中無畔岸，魁梧秀偉，翩翩文士，其詩多清健，
能爲顏鮑家言，而游鱗矯矯，傷於息鋏，每誦晨露之章，
爲之太息。

卽墨縣知縣吳介天廬

吳廬字介夫歸安之菱湖人生而好文弱冠補邑庠弟子員志苦思精根柢領要每試擅優品藝翰風雅駁駁居老病前然困於場屋凡十二試卒不遇嘉靖士子以貢上春官卒業成均謁選得卽墨縣知縣蒞政約已黜情專意愛民節用縣故有供款悉斥廢頗解隻僕窶窶窮立值歲飢經理預勸亟亟爲民請賑得無殍適修膠河之後主者銳甚不能回廬切憫民瘼積不發漕卒主者持之嚴廬格其徵使曰吳知縣頭可舍官特餘事耳

朝廷命我牧民。可視其就死地乎。又通負停積。一時徵計使輜相釋下。益苦之。格不與致邑人。其使搆激語。誚以木偶人。庶作詩解嘲。遂飄然弃官歸。邑士民留者載道攀泣。擗膺樹屨脫舄。富累贈帙。有帙中詩曰。自君之去矣。凡四章。欷歔痛悼。皆士農工商盡邑之人也。轉相廣和。聞者興悲。又盡天下士如卽墨也。庶之治卽墨。秉誠卸下。與民如家人。不判貧分賤。禍雨雨至。驅蝗蝗息。邑之賢豪長者。無不傾戢。嘗擬爲古之循吏。今之純儒。比歸。寥落故止。幸履茲茲。稽文述古。或酬事摠興。下筆

能澗湧老而彌篤與壯髦相頡頏性夷坦所至不言而
飲人以和見飢寒訴急每極恤不遑其自爲終其身不
謀書封預刻死日至期作詩辭世嗒然瞑目逝年七十
有九所著有臨中醒語及詩文若干帙藏於家

樂平縣知縣周季實茂恂

周恂字季實秀水人嘉靖丁未進士令樂平五年苞
苴屏絕刑清訟簡俗好兵聞至是遵約束無敢肆詣京
時父老憐其貧餽之金却不受尋拜職方主事監督大
朝門工勞瘁成疾卒宦橐蕭然無以爲歛士大夫解俸

贈之。始克襄事。有女不能嫁。鄰皆賔之。貧具。歿後數十
年。巡御史龐公按部至秀水。廉恂懋清白狀。嘉歎不已。
給資修墓。遣吏奠之。而後去。

吉安府推官盛原陶墓

盛唐字原陶。嘉善人。嘉靖戊戌進士。初授江西吉安府
推官。每獄獄。探索幽隱。人稱神明。爰書成。自手筆。吏胥
不能售其奸。以最召。并監察御史。兩按陝西河南。風德
丕著。還湖廣。副使致政歸。優游林下。不入公府。所著有
嘉善志。

六合縣知縣茅國卿宰

茅宰字國卿山陰人嘉靖中進士知六合縣守潔政和爲一時循吏之最遷南京刑部主事未幾卒六合人祠祀之宰資性穎敏而好學砥行卓然以遠大自期乃竟以中道夭折議者惜之

福寧州知州鍾太初一元

鍾一元字太初秀水人嘉靖癸丑進士初任福寧州知州州界山海間值倭警預拓外城爲保障丁內艱著墨哀禦敵福民涕泣挽留立石頌績後守池州會景府官

春還關所至驛驛元一意爲民節省力抗內豎幾爲所
窘郡民至今思之復守寧國有惠政轉四川副使以祖
母年高上疏乞歸結廬郭外泉石觴詠元素介直非我
同志卽謝絕弗與里閭尤高其誼

崇安縣知縣鍾惟一銳

鍾銳字惟一錢塘人舉嘉靖乙卯鄉脩屢上春官不第
遂謁選得令崇安值 神廟初江陵相公柄政務明察
行文量法下令嚴急吏多奉行過當以取媚銳故緩持
之監司皆促甚急銳徐應之曰崇雖廢邑地磽确且不

加廣安得浮額取盈。屬令來教民力田開墾。尚未則壤
成賦。無已而始克之。雖然。吾其耻歟。加賦也。於是置
甯縣門。令民手實。無粮墾田者。自首免罪。乃得三千餘
畝。抵縣邑缺額。民不擾而賦倍。監司愧服。銳爲政務。德
教尚禮義。更嘉意學校。捐俸入。置學田。以給諸生之貧。
而無以贍讀者。治故有武夷山。爲海內名勝。使者行部。
及過客輜軒至。必一登覽。以爲快。車蓋相望。苦供億不
貲。邑爲編坊役以應。往往破家爲民病。銳惻然曰。是山
水爲厲也。小民膏血奈何。爲登涉者浚削。而縣官復置

不問如子民何乃闢山之曠土使民播種之得田如干畝定籍起征以免坊役之供游覽者民食其德歌詠至今兩臺諸監司前後薦剡凡七上例當予臺省會要人諷銳詣政府通謁銳謝不往遂轉武昌郡司馬適丁內艱歸卽請告返初服絕不與戶外事卒年七十有二

萬載縣知縣陸溫夫敬

陸璫字溫夫蘭谿人以鄉進士知萬載縣愷悌有爲豪猾爲盜者薙斬不遺餘孽歲飢民多逋負移檄交至璫卽自械繫民爭願身代璫曰父老無自苦吾寧以此去

不忍爾輩流離也。勸課學徒，撫存孤寡，皆誠心惻世。後以謗調大庾，民痛哭遮留。治大庾，語無諛妄，遇事堅執，不爲詭隨。處繁劇，率以簡靜愛民。禮士敦雅，有古風。陞福建漳州府通判，去後，民恒思之。

內江縣知縣沈雲卿伯龍

沈伯龍，字雲卿，嘉興人。嘉靖乙丑進士，初爲內江令，有惠政，民宜之。皆稱豈弟。時直指貪悍，數伺其隙而不得。及內召，將行，直指盛氣而前，盡發行索，止俸餘十數金而已。直指赧頰退。父老子弟扶輿而出，號泣不絕，抵京。

補兵科給事中、忤新寧、出守川南、會有九經之亂、九經負險以抗、伯龍語諸從事曰、人臣委身事君、政在今日、諸君更何待乎、於是諸將皆奮、無不以一當百、又躬自督陣、親冒矢石、捷聞、天子賜金幣、陞俸一級、隨番徼作亂、督撫以兵五萬、專屬之、龍乃謂解甲未久、不堪復戰、遂呼裸衆、諭以國威、裸聞諭、歛呼動地、縛三渠魁、以獻、江陵父卒、諸司往弔、龍獨不往、竟以裁革歸、僅數月、復起江西、隨轉山東按察使、以積勞委頓、遂拂衣歸、志行粹白、里中稱爲長者

常德府知府葉文榮朝陽

葉朝陽字文榮秀水人嘉靖乙丑進士爲人清慎恂恂若書生當事執法雖豪富不能奪初知信陽州首均田賦豪民不得相冒爲奸晉工部虞衡司郎中司鑄錢中貴人索例弗與出治鐵冶歲有羨金數千兩毫無染指尋陞常德府知府有劇盜張金者醵聚洞庭殺掠官府乃以計殲其渠魁餘黨悉散尋陞鄖襄兵備轉廣東叅政致仕卒於家

肅寧縣知縣俞汝誠子良

俞子良字汝誠山陰人領順天鄉薦潛心聖學力敦古道平居無戲言妄動議論侃侃務砥礪名檢未嘗以一事干有司初教諭樂城樂俗不知有禮則諄諄以禮誨之未冠者躬爲之冠有婚喪者爲之品式使遵行焉樂人感而化之雖婦女亦呼爲俞夫子漢第寧令治邑事如其家甫踰年百廢具舉臺使者符以殊等然竟以勞瘁卒後遂之曰蕭然敝闕而已所嘗有司學錄通達節要尊親錄樂居司牧二集並與切可訓

陳州知州洪惟進

洪烝字惟進平湖人隆慶辛未進士少警慧英敏性孝友撫弟遺孤若已子初授陳州知州造士愛民有輯治三十八事大都除疾苦興便宜停解京俵馬三百餘疋以折色代又議處河北歲派驛費省民數千金吏治報最擢駕部副郎攝治部事有無關案當路稱爲通才尋進選部郎方鵬以國事未究厥用得勞疾卒於官歿之日囊無長物時論服其清

廬州府通判查鳴周志文

查志文字鳴周大京兆秉彝之長子也隆慶丁卯以太

學生中應天鄉試數擯不第謁選得廬州府別駕文自
慨不及成進士又不獲專城提印以抗功名於時乃臨
江自矢目所不能奮報國家者如此江抱贖佐二千石
一切絕苞苴却稅美時割俸以代輸贖銀米藥聲籍甚
時河工告急當事者重文木檄當一面而所當如懷仁
雖寧諸處尤湍悍難爲功文輒躬負畚鍤身先之時雪
真後者隨指文請便宜當事者利亟成不許文乃私自
散遺約以解凍匹集工咸如期至感恩奮勵不督而成
視諸凌雪搏沙者率後成而又先祀也所省國家費數

卡悉輸官帑遷無爲州守叙河功晉二級加廬州府同知仍管州事州治濱江患水文惻然曰是安能請命以需越人之故哉卽擅發粟以賑全活數萬計苦旱蝗文齋板露禱蝗輒自投黃白兩河死未幾又值大侵二千石督稅急牒三四下復遣吏督促之益力文乃解印綬更皂帽繫頸而泣請以身坐卽偕吏就道於是百姓奔走號呼吏亦愀然還報二千石乃止文故世家多援而又獨行不顧遂中忌者口文亦稍稍倦事卽解印歸歸安茅鹿門先生爲之傳曰京兆公偉節在天下厚德在

宗黨有志弗竟，留以寄之子。若孫使京兆爲文，正則文不難爲忠，宜京兆爲太丘，則文不難爲元方。然太丘三世令德，當漢之季，其含光隱耀，固宜。若文所邁明盛，不啻忠宣時也。而仕以例格，所可見者，僅如忠宣襄城慶州之績而已。使其立朝行志，不負所學，不亦與龍圖老子輝映後先也哉？君子以爲知言。